

SACCHARUM LACTIS.

E. Seri lactis colostro vitulino parati magnam copiam.

Evaporando inspissetur ad crassi magmatis consistentiam, quod aqua sufficiente denuo solvatur, filtretur, evaporetur debite, & relinquatur diutius in vasis figulinis vitreatis, donec crystalli concrescant. Residuus liquor evaporetur ut prius. Omnes crystalli collectae abluantur aqua frigida, & serventur. Vel repetita solutione & crystallisatione albidiiores reddi possunt.

SACCHARUM SATURNI.

E. Cerussæ five Calcis Plumbi albæ q. v.

Adfunde acetum destillatum fortius ad aliquot digitorum eminentiam; digere igne arenæ in vase vitro per tres quatuorve dies, identem liquorem agitando, quem clarum dein decanta, novumque acetum adfunde, quod digestione peracta, ut prius, decanta, huncque laborem eousque repete, donec acetum sapore dulci infici desinat. Hi omnes liquores committi igne lento evaporent ad Syrupi ferme spissitudinem, & concrecent in loco frigido crystalli, quas serva.

SAL

SAL ABSINTHII ALCALINUS.

℞. Herbæ Absinthii exsiccatæ q. pl.

In aëre libero comburatur succeſſive in cineres, qui aqua pura fervidaque elixentur. Lixivium filtratione a cinerum parte terrestri liberatum evaporetur, & inspiffetur ad siccitatem. Massa salina parumper calcinetur, & servetur in vitro bene clauso, inque loco ficio.

Ita parantur ex integra planta

(*) SAL FABARUM.

GENISTÆ.

VITIS.

SAL ABSINTHII MEDIUS.

℞. Salis Absinthii alcalini.

Florum Sulphuris partes æquales.

Misceantur, & injiciantur per partes in crucibulum candens & amplum. Calcinetur materies per plures horas fortissimo igne, donec Massa iterum albescat, nec sulphur amplius redoleat. Crucibulum stet semper apertum, & caveatur carbonum illapsus. Massa hæc dein solvatur in aqua, quæ filtrata vaporet ad cu-

ticulam, & crystallisationi exponatur. Crystalli albissimæ obtentæ serventur. Quæ si sat tis albæ non sunt, aut hepar sulphuris redolent, de novo totum lixivium est inspissandum, & massa salina calcinanda, donec requisitæ proprietates crystallorum obtineantur.

Ita parantur

SAL CARDUI BENEDICTI.

CENTAURII MINORIS.

NB. Cum Sal Absinthii vel alias nunc reensitorum salium simpliciter præscribitur, aut a vulgo expetitur, semper dandus est sal medius, nec alcalinus, nisi is, videlicet *alcalinus*, expressis præscribatur terminis.

SAL ACETOSELLÆ ESSENTIALIS.

¶. Herbæ recentis Acetosellæ q. pl.

Exprimatur inde succus, qui in vase vitro absque ulla depuratione per dies quatuor aut quinque relinquatur supra fæces in quiete; depuretur dein mediante filtratione, ad medietatem circiter aut ultra evaporetur, ac in loco frigido in vase vitro reponatur, ubi concrecent crystalli tenues, a liquore libe-

ran-

randæ. Reliquus liquor ulterius vaporet, ac ad crystallisandum, ut prius reponatur; qui labor eosque iterandus, donec nullæ amplius crystalli concrescant. Collectus sal aqua frigida leviter abluatur, in charta leniter excicetur, & asservetur.

SALIS ALCALINI FIXI VULGARIS

five

CINERUM CLAVELLATORUM

depuratio.

R. Cinerum clavellatorum, five salis alcalini fixi
vulgaris q. pl.

Calcina per horam igne sat fortis; solve in triplo aquæ communis; solutio filtrata ad duas tertias evaporet, & per aliquot dies in loco temperato quieti reponatur. Si quædam intra hoc tempus concreverint crystalli, eas exime, ac seorsim serva; sunt enim communiter hæ crystallia aut Tartari vitriolati, aut frequentius salis communis a sale alcalino hac methodo omnino separandæ. Restans lixivium inspissetur ad siccitatem; sal alcalinus inspissatione obtentus parumper adhuc calcinetur, ut siccissimus albidusque evadat, qui in vitris optime clausis asservandus.

(*) SAL

(*) SAL ANGLICUS NASALIS.

¶. Salis ammoniaci part. j.
Cretæ part. ij.

Mixta sublimentur ex retorta igne forti, & sublimatus sal colligatur, serveturque in lagenulis epistomio vitreo accurate clausis.

¶. Parari potest ex tempore ejusdem fere indolis sal volatilis, commiscendo salem ammoniacum cum æquali pondere salis Tartari aut Calcis vivæ recentis, quæ miscela irroretur pro lubitu spiritu salis ammoniaci lavandulato, & servetur in lagenula exæcta clausa.

SAL CORNU CERVI.

Vide sub

SPIRITU CORNU CERVI.

SAL MIRABILIS GLAUBERI.

Vide sub

SPIRITU SALIS ACIDO.

SAL POLYCHRESTUS.

¶. Nitri puri.
Sulphuris partes æquales.

Pul-

Pulverata & mixta injiciantur successiue in crucibulum candens. Continuetur idem ignis adhuc per aliquot horas. Tunc massa eximatur, solvatur in aqua fervida, filtretur, debite evaporetur, & reponatur ad crystallisationem. Crystalli serventur, ac ita pergatur in reliqui liquoris crystallisatione. Si sal requiritam albedinem non habeat, denuo calcinari debet, ut omne sulphur adhærens destruatur.

SAL SEIGNE TTE.

R. Salis sodæ depurati, & in aquæ sufficienti quantitate soluti q. pl.

Solutio hæc in vase figulino vitreato stet fervida super igne, tuncque in illam injiciatur successiue tantum Cremoris Tartari, donec punctum saturationis cessante effervescentia sit obtentum. Liquor filtratus, & debite evaporatus ponatur ad crystallandum. Crystallis exemptis, repetatur operatio cum reliquo lixivio, donec nihil amplius crystallisetur. Crystalli serventur.

SALIS SODÆ DEPURATIO.

R. Sodæ Hispanicæ q. v.

Cal-

Calcina igne valido usque dum omnis odor sulphureus evanuerit; solve in sufficiente quantitate aquæ; lixivium filtra, debite evapora, ac in locum frigidum repone; concre-scent crystalli, quas exime, & serva. Sunt hæ crystalli nihil aliud, quam sal alcalinus mineralis, seu ipsa SODA rite depurata. Reliquum lixivium ad siccitatem evaporari, inde obtentus sal, quum sat purus sit, asservari, ei-demque usui, ac prior crystallisatione obtenus, inservire potest.

SAL SUCCINI.

Vide sub

OLEO SUCCINI.

SAL TARTARI.

R. Tartari crudi q. pl.

Tractetur eodem modo, uti carbo Tartari, quem vide sub SPIRITU TARTARI.

(*) SPECIES DECOCTI ALTHÆÆ

FERNELII.

R. Radicis Althææ unc. viij.

Graminis.

Aspa-

Asparagi.

Liquiritiæ.

Uvarum passarum mundatarum.

Herbæ Althææ.

Malvæ ana unc. ij.

Pimpinellæ rubræ.

Plantaginis ana unc. ip.

Cicerum unc. iv.

Seminum Cucumeris.

Cucurbitæ.

Citrulli.

Melonum ana unc. iij.

Incisa, & mixta serventur pro usu.

SPECIES DECOCTI ALTHÆÆ

VULGARES.

℞. Herbæ Althææ libr. ij.

Radicis Althææ libr. j.

Florum Malvæ libr. β.

Glycyrrhizæ unc. iv.

Conscissa, & mista serventur.

SPECIES DECOCTI ANTIFEBRILIS.

℞. Radicis Graminis.

Taraxaci ana libr. ij.

Ace-

Acetofæ.

Cichorei ana libr. j.

Liquiritiæ.

Summitatum Centaurii minoris.

Herbæ Cardui benedicti ana libr. β.

Conscissa mista, serventur.

SPECIES DECOCTI APERITIVI.

℞. Herbæ Cichorei unc. ij.

Cuscutæ.

Fumariæ.

Scolopendrii.

Radicum Polypodii vulgaris.

Liquiritiæ ana unc j.

Quinque aperientium ana unc. ij.

Foliorum Sennæ selectorum.

Passularum minorum ana unc. vj.

Agarici albi unc. iβ.

Seminum Anisi.

Fœniculi.

Corticis Tamarisci.

Capparis ana dr. vj.

Incisa misceantur, & serventur.

Si ad unciam unam harum specierum addantur

Rhabarbari dr. j.

Cin-

Cinnamomi dr. β .

Vocabitur DECOCTUM APERITIVUM CUM
RHEO.

SPECIES DECOCTI AVENÆ.

R. Avenæ unc. iv.

Ligni Santali rubri

Radicis Cichorei ana unc. j.

Misceantur incisa in Species, & serventur
ufui.

Dictarum specierum drachmæ sex coquan-
tur in aquæ unciis octodecim ad remanentiam
libræ unius.

Colaturæ adde

Nitri Antimoniati dr. β .

Sacchari canarini dr. ij.

Et Decoctum exhibeatur.

Si vero species solæ expetuntur, adden-
da est singulis drachmis sex specierum prædi-
cta quantitas Nitri antimoniati, & Sacchari.

SPECIES CEPHALICÆ RESOLVEN-

TES PRO FOMENTATIONE.

R. Herbæ Origani.

Serpulli.

Q

Thy-

Thymi.

Nepetæ.

Calaminthæ montanæ ana unc. j.

Salviæ.

Majoranæ.

Rosmarini.

Rutæ.

Florum Lavandulæ.

Rosarum ana unc. β.

Concisa serventur usui.

SPECIES EMOLLIENTES.

¶. Herbæ Meliloti.

Malvæ.

Althææ.

Florum Chamomillæ vulgaris.

Radicis Althææ.

Seminum Fœnugræci.

Lini ana libr. j.

Conscissa, & contusa misceantur pro usu.

SPECIES DECOCTI PRO GARGA- RISMATE

ADSTRINGENTES.

¶. Herbæ Plantaginis.

Pru-

Prunellæ ana unc. v.

Salviæ unc. iij.

Florum Rosarum rubrarum.

Radicis Tormentillæ ana unc. j.

Incisa misceantur, & pro usu serventur.

SPECIES PRO GARGARISMATE

EMOLLIENTES.

¶. Herbæ Malvæ.

Althææ.

Verbasci ana libr. β.

Florum Sambuci unc. iij.

Conscissa misce.

SPECIES DECOCTI LIGNORUM.

¶. Radicis Bardanæ. libr. iβ.

Sassaparillæ.

Chinæ nodosæ.

Ligni Juniperi.

Sassafras ana libr. j.

Santali rubri.

Glycyrrhizæ ana libr. β.

Seminum Anisi.

Fœniculi ana unc. iij.

Concisa misceantur, & pro usu serventur.

Q 2

SPE-

SPECIES DECOCTI PECTORALIS.

℞. Caricarum libr. ij.

Radicis Althææ.

Liquiritiæ.

Hordei mundi ana libr. j.

Herbæ Hederæ terrestris.

Verbasci ana libr. β.

Florum Verbasci.

Rhœados ana unc. iiij.

Conscissa mista serventur.

SPECIES PRO POTU ORDINARIO.

℞. Radicis Acetosæ libr. iij.

Scorzoneræ libr. iβ.

Hordei crudi libr. ij.

Seminum Fœniculi.

Corticum Citri siccatorum ana unc. iiij.

Incisa misceantur, & serventur.

SPECIES PRO THEE GERMANICO.

℞. Herbæ Veronicæ.

Hederæ terrestris.

Farfaræ.

Scabiosæ ana unc. iiij.

Melissæ.

Salviæ ana unc. iβ.

Grosso modo concisa misceantur.

SPI-

SPIRITUS ANISI.

℞. Seminis Anisi contusi libr. j.
Spiritus Vini libr. viij.
Macerentur uno alterove die, dein in
Balneo arenæ destilla libr. vj.

Ita fiunt

SPIRITUS SEMINUM CARVI.

BACCARUM JUNIPERI VIRIDIUM.

SPIRITUS AROMATICUS.

℞. Herbæ Menthæ unc. iʒ.
Seminis Anisi.
Cinnamomi.
Nucis Moschatæ ana unc. β.
Caryophyllorum.
Cardamomi minoris.
Granorum Paradisi.
Radicis Angelicæ ana dr. ij.

Contufis adfunde

Spiritus Vini libr. iv.
Macerentur per nychthemerum, dein ab-
strahantur in Balneo mariæ libræ tres, quæ in
vitro bene clauso serventur.

SPIRITUS BALSAMICUS

vulgo

BALSAMUM SCHAUERIANUM

dictus.

- ℞. Terebinthinae unc. iiij.
Olei Laurini unc. j.
Galbani unc. jj.
Elemi.
Aloes succotrinæ.
Benzoes.
Styracis.
Masticæ.
Myrrhæ.
Olibani ana dr. ij.
Radicis Ireos florentinæ.
Dictamni albi.
Imperatoriæ.
Seminum Anisi.
Fœniculi.
Succini albi ana unc. β.
Florum Chamomillæ Romanæ.
Herbæ Absinthii.
Rosmarini.
Scordii.

Co-

Cochleariæ.

Rutæ ana dr. j.

Cardamomi minoris.

Nucis Moschatae.

Cinnamomi.

Castorei ana dr. ii.

Cubebarum dr. j.

Commixtis adfunde

Spiritus Vini optimi libr. iv.

Stent per octiduum, dein abstrahantur Spiritus ex Balneo mariæ libræ tres, quas serva.

SPIRITUS COCHLEARIÆ.

b. Herbæ Cochleariæ recentis libr. j.

Spiritus Vini libr. iii.

Abstrahantur in Balneo mariæ libræ duæ.

SPIRITUS CORNU CERVI.

b. Cornu Cervi in frusta dissecti q. v.

Inde retortæ & excipulo ampio adaptato, destilla calore gradatim aucto, & prohibunt successive Spiritus, Sal & Oleum.

Oleum a Spiritu separatum servetur seorsim.

Sal collectus nova sublimatione, ut albus evadat, depuretur.

Q 4

Spi-

Spiritus vero iterata destillatione ex Balneo arenæ rectificetur, & servetur.

Cornu peracta destillatione in retorta relictum calcinetur in crucibulo ad albedinem usque, & servetur sub titulo:

CORNU CERVI USTI.

SPIRITUS DIATRION

si ve

MIXTURA SIMPLEX.

¶. Spiritus theriacalis camphorati unc. v.

Tartari rectificati unc. iij.

Vitrioli acidi unc. j.

Misce & serva.

SPIRITUS FORMICARUM.

¶. Formicarum recentium majorum libr. j.

Spiritus Vini libr. iij.

Destillentur e Balneo mariæ ad siccitatem.

Eodem modo paratur

SPIRITUS LUMBRICORUM TERRESTRIVM.

SPIRITUS LAVANDULÆ.

¶. Florum Lavandulæ leviter fccatorum
libr. β.

Sp-

Spiritus Vini libr. iv.

Aqua Lavandulæ libr. j.

Macerentur per nychthemerum, dein abstrahantur ex Balneo arenæ libræ tres.

Eadem methodo parantur

SPIRITUS HERBÆ MENTHÆ.

SERPYLLI.

SPIRITUS MATRICALIS.

R. Mastiches.

Myrrhæ.

Olibani ana unc. iij.

Spiritus Vini rectificati libr. vj.

Macerentur per octo dies, dein abstrahantur libræ quatuor ex Balneo arenæ.

Maceratione peracta, si liquor bene tinctus percolatur, nec destillatur, præbet

TINCTURAM MASTICHES COMPOSITAM.

SPIRITUS NITRI ACIDUS.

R. Nitri puri.

Vitrioli ad albedinem calcinati partes æquales.

Mista destillentur ex retorta vitrea, donec nulli amplius adscendant vapores. Spiritum ferva.

Si vero loco Vitrioli ad unam partem Nitri adhibetur Olei vitrioli optimi dimidia pars, obtinetur sub eodem adparatu eademque operatione acidum magis concentratum, videlicet:

SPIRITUS NITRI FUMANS.

Caput mortuum igne aperto bene calcinatum, elixatum, ac debite evaporatum dat salem crystallinum, ARCANUM DUPLICATUM vulgo dictum.

SPIRITUS NITRI DULCIS.

R. Spiritus Vini bene rectificati libr. iv.

Quibus infunde succeſſive

Spiritus Nitri acidi vulgaris libr. j.

Stent per aliquot dies in digestione, & deſtillentur in cucurbita, quæ deſtillatio quater ad ſiccitatem usque repetatur, & liquor deſtillatus tandem fervetur.

SPIRITUS ROSMARINI

five

AQUA REGINÆ HUNGARIÆ.

R. Florum Rosmarini una cum calycibus deceptorum unc. vj.

Spiritus Vini libr. iij.

Ma-

Macerentur per horas duodecim, dein abstrahantur ex Balneo arenæ libr. ij.

SPIRITUS SALIS ACIDUS.

Paratur eodem modo, ac Spiritus Nitri fumans, sumendo loco Nitri *salem communem* dimidio sui ponderis aquæ dilutum.

Caput mortuum, ut illud a *Spiritu Nitri acido* tractatum dat

SALEM MIRABILEM GLAUBERI.

SPIRITUS SALIS DULCIS.

R. Spiritus Salis acidi fortioris part. j.

Admisse

Spiritus Vini rectificati part. x.

Post peractam digestionem per aliquot dies, destillentur ex cucurbita aliquoties, eodem modo, ac fieri jubetur in destillatione Spiritus Nitri dulcis, & Spiritus abstractus servetur.

SPIRITUS SALIS AMMONIACI

ANISATUS.

R. Salis ammoniaci in pulverem grossum triti
libr. j.

Cinerum clavellatorum libr. ij.

Seminis Anisi tusi libr. β.

Spi-

Spiritus Vini.

Aquæ communis ana libr. iv.

Mista destillentur ex cucurbita vitrea ad abstractionem librarum quinque, & serventur in vitro bene clauso.

SPIRITUS SALIS AMMONIACI

AQUOSUS.

¶. Salis ammoniaci ruditer triti.

Cinerum clavellatorum ana libr. ii.

Calcis vivæ libr. iij.

Aquæ communis libr. xvij.

Mista destillentur ex cucurbita aut retorta vitrea ad abstractionem medietatis humidi, liquor prolectus servetur in vase vitro exacte clauso.

SPIRITUS SALIS AMMONIACI

LAVANDULATUS

vulgo

AQUA ANODYNA

dictus.

¶. Salis ammoniaci libr. ii.

Tartari libr. j.

Flo-

Florum Lavandæ libr. β.

Lixivii ex calcis vivæ & cinerum clavelatorum ana libra una facti libr. iv.

Spiritus Vini simplicis libr. x.

Misceantur, & instituatur ex Balneo arenæ destillatio, quo usque spiritus transit volatile, qui in vase vitro exacte clauso servetur.

SPIRITUS SALIS AMMONIACI

VINOSUS.

℞. Salis ammoniaci ruditer tusi libr. j.

Tartari libr. ij.

Spiritus Vini libr. vj.

Aquæ communis libr. iij.

Mista destillentur e Balneo arenæ ad abstractionem medietatis. Spiritus prolectus servetur in vitris optime clausis.

Residuum diluatur sufficienti quantitate aquæ, filtretur, & evaporetur ad cuticulæ apparitionem, reponendum dein ad crystallationem. Crystalli enatæ subito aqua frigida abluantur, & exsiccatæ serventur sub titulo

Sa-

SALIS DIGESTIVI.*se u***FEBRIFUGI SYLVII.****SPIRITUS SULPHURIS.***vide***SPIRITUM VITRIOLI.****SPIRITUS TARTARI.**

R. Tartari crudi q. pl.

Inde retortæ aut terreæ aut vitreæ loricatæ, cuius una tertia pars vacua maneat, ad applicato recipiente capaci juncturis necdum clausis instituatur destillatio calore initio leni, donec pleraque aëris elastici quantitas exiverit, tunc juncturas claude, ignemque gradatim auge ita, ut spiritus omnis una cum oleo prodire valeat. Spiritus ab oleo separatus ex Balneo arenæ rectificetur; oleum vero seorsim adservetur. Carbo Tartari five Caput mortuum in crucibulo bene calcinatum, elixatum, ac inspissatum dat

SALEM TARTARI.**SPI-**

SPIRITUS TEREBINTHINÆ.

vide

OLEUM TEREBINTHINÆ,

cum quo idem.

SPIRITUS THERIACALIS

CAMPHORATUS.

R. Theriacæ unc. x.

Myrrhæ unc. v.

Croci unc. j.

Spiritus Vini rectificati libr. iv.

Stent in vase clauso per aliquot dies, dein
destillentur.

In hoc spiritu destillato solve

Camphoræ dr. vj.

Et serva.

SPIRITUS VINI CAMPHORATUS.

R. Camphoræ unc. j.

Solve in

Spiritus Vini libr. j.

Serva.

SPI-

SPIRITUS VITRIOLI.

R. Vitrioli ad albedinem calcinati q. v.

Immitte retortæ vitreæ loricatæ, quam furno reverberatorio impone, adplica excipulum amplum, juncturas ope luti argillacei clade, ac ignem subministra initio lentum, quamdiu videlicet albi prodeunt vapores, hi ubi dispa-
ruerint, vas recipiens muta cum alio prius probe calefacto; ignem demum gradatim au-
ge ad summum usque gradum, eoque conti-
nua, donec nulla amplius gutta liquidi adpa-
reat, qui labor triginta horarum spatio com-
muniter expeditur.

Primum in excipulum, qui prodiit liquor,
SPIRITUS SULPHURIS, seu **VITRIOLI VOLA-**
TILIS audit; subsequens vero longe acrior
ponderosiorque latex sub titulo **OLEI VITRIO-**
LI asservatur.

Hujus si partem unam cum octo aut decem
partibus aquæ commiscueris, habebis

SPIRITUM VITRIOLI

vulgarem:

Qui etiam loco Spiritus Sulphuris exhiberi
potest.

SPON-

SPONGIÆ MARINÆ USTIO.

R. Spongjæ marinæ q. v.

Impletatur ea crucibulum, sive olla non vitrata. Hoc vas operculo tectum ponatur inter carbones candentes, ibique detineatur, donec nullus amplius ad marginem operculi exire videatur fumus. Carbo tunc niger eximatur, & in pulverem subtilem redactus servetur.

SULPHUR ANTIMONII AURATUM.

R. Hepatis Antimonii recenter parati q. s.

Ebulliat cum aquæ sufficiente quantitate. Decoctum calidum per chartam emporeticam filtratum stet in quiete per unum alterumve diem, ut sulphur omne, quod majore regulina parte oneratum excidere potest, sponte excidat. Tunc ab hoc pulvere badio, qui tanquam *sulphur Antimonii primæ præcipitationis* considerandus est, liquor filtrationis ope separatur, eique adfundatur Aceti quedam portio, & pulvis præcipitabitur fulvus, *sulphur nempe Antimonii præcipitationis secundæ*. Tandem ex liquore ut prius filtrato reliquum *sulphur* mediante Aceti iterata adfusione excutiatur, quod

R

jam

jam coloris lutei *tertiæ præcipitationis* dicendum,
ac separatim, ut sulphur primæ & secundæ
præcipitationis, asservandum.

SULPHUR ANTIMONII TARTARISATUM.

vide

KERMES MINERALE,
quocum idem eſt.

SUPPOSITORIA COMPOSITA.

F. Farinæ Secalis unc. iv.

Saponis unc. iij.

Aloes unc. j.

Salis communis dr. vj.

Seminum Colocynthidis unc. ii.

Carvi.

Cumini.

Fœniculi ana dr. j.

Mellis q. s.

Misce, fiat Massa, ex qua formentur sup-
positoria, aut

GLOBULI CARMINATIVI vulgo dicti.

SIMPLICIA SUPPOSITORIA eo, quo expe-
tuntur, tempore parari possunt ex Melle in-
spissato, Sebo, aut Sapone &c.

SY-

SYRUPUS FLORUM ACACIÆ.

R. Florum Acaciæ nostratis recentium libr. iiij.
Infunde cum aquæ communis bullientis li-
bris sex.

Stent per duodecim horas in vase clauso;
dein exprime infusum, & cum Sacchari albi
libris sex coque in Syrupum debite clarifican-
dum.

Hoc modo paratur

SYRUPUS FLORUM CHAMOMILLÆ

VULGARIS.

SYRUPUS ACETOSITATIS CITRI.

R. Succi Citri libr. j.
Sacchari albi libr. ij.
Facta unica ebullitione servetur Syrupus.

Pari modo parantur

SYRUPUS SUCCI BERBERUM.

MORORUM.

MYRTILLORUM.

RIBIUM.

RUBI IDÆI.

R 2

SY

SYRUPUS ALTHÆÆ.

℞. Specierum decocti Althææ vulgarium
unc. viij.

Ebulliant parumper in aquæ communis libris octo. Colatura cum Sacchari albi libris sex coquatur in Syrupum debitæ consistentiæ.

SYRUPUS AURANTIORUM

CORTICUM.

℞. Flavedinis Corticum Aurantiorum recentium unc. vj.

Macerentur in Vini albi libris duabus per duo nychthemera, infusum colatum cum dupla portione Sacchari albi facta unica ebullitione coquatur in Syrupum.

Ita paratur

SYRUPUS CITRI CORTICUM.

SYRUPUS CAPILLORUM VENERIS.

℞. Herbae Capillorum Veneris unc. iij.

Infunde cum aquæ fervidæ libris tribus.

Stent infusa per horas duodecim, & cum Sacchari albi libris quatuor fiat Syrupus, cuius fin-

singulis libris, si placet, odoris gratia admisceri
potest

Aquæ florum Aurantiorum unc. β.

SYRUPUS CICHOREI CUM RHEO.

R. Radicis Cichorei unc. iii.

Herbæ ejusdem unc. j.

Rhabarbari unc. iv.

Salis Tartari dr. β.

Coquantur in libris octo aquæ communis ad
remanentiam librarum sex, decoctum cola
fortiter exprimendo, cui adde Sacchari libras
sex, & ebulliendo clarificandoque debite fiat
justæ consistentiæ Syrupus.

SYRUPUS CINNAMOMI.

R. Cinnamomi ruditæ tufi unc. v.

Aquæ Cinnamomi Vinofæ libr. ii.

Macerentur in vitro probe clauso per vi-
ginti quatuor horas. Infuso colato adde Sac-
chari albi duplum, & fiat unica ebullitione in
vase clauso Syrupus.

SYRUPUS COCHLEARIAE.

R. Succi Herbæ Cochleariae per subsidentiam
depurati libr. ij.

Sacchari albi libr. iv.

Facta ebullitione unica servetur Syrupus.

Eadem methodo paratur

SYRUPUS FUMARIAE.

SYRUPUS CONTRAJERVÆ.

R. Radicis Contrajervæ dr. vj.

Serpentariæ Virginianæ unc. β.

Infundantur in Aquæ fervidæ unciis viginti
quatuor. Stent vase clauso per duodecim
horas: coletur dein infusum, & cum dupla
Sacchari albi portione fiat lege Artis Syrupus.

SYRUPUS EMETICUS.

R. Vitri Antimonii subtiliter pulverati unc. j.
Infundatur per horas viginti quatuor in
Aceti Vini unciis viginti.

Adde dein

Cinnamomi.

Radicis Zedoariæ.

Seminis Angelicæ ana dr. ij.

Croci dr. β.

Stent

Stent adhuc per aliquot horas, tandem filtra liquorem per duplicem chartam emporeticam, & cum Sacchari albi unciis viginti coquatur in syrum.

SYRUPUS FOENICULI.

- R. Seminum Foeniculi ruditer tusorum unc. iij.
Infunde cum Aquæ fervidæ sesquialtera libra. Macera vase clauso per horas duodecim, dein cola, & cum duplo Sacchari albi fiat Syrupus.

SYRUPUS HYSSOPI.

- R. Herbæ Hyssopi leviter siccatae unc. ij.
Infunde cum Aquæ fervidæ libris duabus.
Stent vase clauso per aliquot horas.
Cola demum, & colaturæ adde Sacchari albi duplam quantitatem, factaque unica dumtaxat ebullitione serva Syrum debito more clarificatum.

Tali modo paratur

SYRUPUS HERBÆ MENTHÆ.

R 4

SY-

SYRUPUS KERMESINUS.

R. Pulveris Coccinellæ unc. β .

Salis Tartari gr. xij.

Commixtis adfunde

Aquæ Rosarum unc. vj.

Corticum Citri.

Cinnamomi simplicis ana unc. iv.

Stent in frigida infusione per horas sex, ad-
jice dein

Pulveris Aluminis crudi gr. iv.

Relinque adhuc per quadrantem horæ, in-
fusum subinde agitando; tandem cola, & cum
Sacchari albi libris duabus fiat unica ebullitione
Syrupus.

SYRUPUS MANNATUS.

R. Foliorum Sennæ unc. viij.

Seminum Anisi stellati unc. β .

Salis Tartari dr. j.

Infundantur in Aquæ fervidæ libris decem.

Stent per horas quinque, aut sex; facta
dein una alterave ebullitione coletur deco-
ctum, ac cum albumine ovi ebulliendo clari-
ficetur, in quo tandem dissolvendo

Sacchari albi libras octo.

Man-

Mannæ libras duas.

Fiat Syrupus.

SYRUPUS PAPAVERIS ALBI,

sive

E M E C O N I O.

R. Capitum Papaveris libr. β.

Coque in aquæ communis libris octo ad remanentiam librarum quatuor, cola cum forti expressione, & adde Sacchari albi libras quatuor. Coque in Syrupum, quem clarificatum serva.

SYRUPUS FLORUM PAPAVERIS

RHOEADOS.

R. Florum Papaveris rhœados libr. β.

Infunde cum Aquæ communis fervidæ fessu altera libra. Relinque per viginti quatuor horas; dein colatura cum Sacchari albi libra una & dimidia coquatur in Syrupum.

Hoc modo parantur

SYRUPUS FLORUM PÆONIÆ.

TUNICÆ.

R 5

Sy-

SYRUPUS QUINQUE RADICUM.

P. Radicum quinque aperientium ana unc. iij.
 Funde desuper Aquæ communis ferventis
 libras septem. Macera per horas duodecim,
 ubi infuso colato adde Sacchari albi libras
 sex, & fiat coquendo ac debite clarificando
 Syrupus.

SYRUPUS ROSATUS SOLUTIVUS

CUM SENNA.

P. Infusi Rosarum lib. ii.
 Calefactum funde supra
 Foliorum Sennæ unc. j.
 Stent per aliquot horas, dein cola infusum,
 & cum duplo Sacchari albi fiat Syrupus rite
 clarificandus.

SYRUPUS DE SILIQUIS

five

DIACODIUM LIQUIDUM.

P. Capitum Papaveris somniferi unc. iv.
 Siliquarum dulcium unc. iij.
 Radicis Liquiritiae rasæ unc. ii.

In-

Incisa coquantur in aquæ communis libris octo ad remanentiam librarum trium. Colaturæ adde Sacchari albi sesquialteram libram, & coquendo clarificandoque fiat Syrupus justæ consilientiæ.

NB. Addendo singulis unciis
Croci pulverati gr. v.
habebis

DIACODIUM CROCATUM.

SYRUPUS DE SPINA CERVINA.

¶. Succi Baccarum Spinæ Cervinæ libr. jj.
Infunde fervide super
Seminis Fœniculi leviter tufi unc. β.
Relinque per unam alteramve horam; dein
cola, & cum dupla Sacchari albi portione fiat
unica ebullitione Syrupus.

SYRUPUS VIOLARUM.

¶. Florum Violarum recentium a calyculis
bene mundatorum libr. j.
Infunde in vase stanneo cum Aquæ bullien-
tis libris duabus.
Macera per horas duodecim. In colatu-
ra fortiter expressa solve Sacchari albi duplum,
&

& facta unica in Balneo mariae ebullitione ser-
va Syrupum.

TABULÆ DE ALTHÆA.

R. Radicis Althææ albissimæ pulveratæ unc. iij.
Sacchari albi libr. j.

Fiat lege artis cum sufficienti quantitate
mucilaginis Tragacanthæ massa, quæ bene
subacta & deposita extendatur in tenuem pla-
centam, in tabulas scindendam.

TARTARUS EMETICUS.

R. Croci Metallorum.

Cremoris Tartari ana unc. iv.

Ebulliant in aquæ puræ libris quatuor in va-
se vitreato; dein filtretur liquor, & debite
evaporatus reponatur ad crystallandum. Tar-
tarus concrescens eximatur ac exsicetur. At-
que ita pergatur in crystallisatione liquoris re-
liqui. Crystalli omnes ita collectæ simul in mor-
tario vitro in pulverem terantur, & serventur.

TARTARUS TARTARISATUS,

sive

SOLUBILIS.

R. Salis Tartari q. v.

Sol-